

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), te Strategije razvoja Zeničko-dobojskog kantona za period 2021.-2027. godina („Službene novine Zeničko-dobojskog kantona“ broj: 3/21), Akcionog plana za implementaciju Strategije razvoja Zeničko-dobojskog kantona za period 2022.-2024. godina i Godišnjeg plana rada Ministarstva za rad, socijalnu politiku i izbjeglice Zeničko-dobojskog kantona za 2023. godinu, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 19. sjednici, održanoj dana 10.05.2023. godine, d o n o s i

ZAKLJUČAK

I.

Daje se saglasnost na prijedlog Programa sufinansiranja obrazovanja odraslih za potrebe tržišta rada Zeničko-dobojskog kantona u 2023. godini, Ministarstva za rad, socijalnu politiku i izbjeglice Zeničko-dobojskog kantona i Privredne komore Zeničko-dobojskog kantona.

II.

Ovlašćuje se ministar za rad, socijalnu politiku i izbjeglice da u ime Vlade Zeničko-dobojskog kantona potpiše Program iz tačke I. ovog zaključka.

III.

Vlada Zeničko-dobojskog kantona će po davanju saglasnosti na Program, donijeti posebnu odluku o odobravanju sredstava za sufinansiranje istog, nakon čega će sredstva biti doznačena Privrednoj komori Zeničko-dobojskog kantona za realizaciju Programa.

IV.

Za realizaciju Programa zadužuju se Ministarstvo za rad, socijalnu politiku i izbjeglice i Privredna komora Zeničko-dobojskog kantona, svako u okviru svoje nadležnosti.

V.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23

Datum, 10.05.2023. godine

Z e n i c a

DOSTAVLJENO:

1x Ministarstvo za rad, socijalnu politiku i izbjeglice,

1x Privredna komora Zeničko-dobojskog kantona,

putem Ministarstva,

1x a/a.



Zeničko-dobojski kanton
Ministarstvo za rad, socijalnu politiku i izbjeglice
i
Privredna komora Zeničko-dobojskog kantona

P R O G R A M

sufinansiranja obrazovanja odraslih za potrebe tržišta
rada Zeničko-dobojskog kantona u 2023. godini

Prijedlog

Zenica, april 2023.godine

1. Osnov za donošenje

U skladu sa Strategijom razvoja Zeničko-dobojskog kantona za period 2021.-2027. godina, Akcionim planom za implementaciju Strategije razvoja Zeničko-dobojskog kantona za period 2022.-2024. godina i Godišnjim planom rada Ministarstva za rad, socijalnu politiku i izbjeglice Zeničko-dobojskog kantona za 2023. godinu, Ministarstvo za rad, socijalnu politiku i izbjeglice (u daljem tekstu: Ministarstvo) i Privredna komora Zeničko-dobojskog kantona (u daljem tekstu: Komora) sačinili su „Program sufinansiranja obrazovanja odraslih za potrebe tržišta rada Zeničko-dobojskog kantona u 2023. godini“ (u daljem tekstu: Program).

2. Izvor finansiranja

Finansijska sredstva koja su potrebna za realizaciju Programa planirana su u iznosu od 99.000,00 KM, a koja će biti obezbijedena od strane Vlade Zeničko-dobojskog kantona putem Ministarstva za rad, socijalnu politiku i izbjeglice Zeničko-dobojskog kantona u iznosu od 55.000,00 KM, Federalnog zavoda za zapošljavanje (u daljem tekstu: Zavod) u iznosu od 35.000,00 KM i Privredne komore Zeničko-dobojskog kantona u iznosu od 9.000,00 KM.

Sredstva kojim Vlada Zeničko-dobojskog kantona učestvuje u finansiranju Programa isplatit će se iz Budžeta Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23), razdjel 20, budžetska organizacija 01, potrošačka jedinica 0001, ekonomski kod 614100, subanalitika KAD 221, pozicija Budžeta: „Poticaj zapošljavanja mladih“.

Nosilac realizacije ovog Programa je Privredna komora Zeničko-dobojskog kantona.

3. Cilj Programa

Program se odnosi na neformalno obrazovanje odraslih u svrhu zapošljavanja za ciljana zanimanja u sljedećim sektorima:

- Metaloprerađivački za zanimanje zavarivač i CNC operater;
- Drvoprerađivački za zanimanje CNC operater;
- Građevinarski za zanimanje Obrađivač plastike;
- Tekstilna, kože i obuće za zanimanje - šivač.

Specifični cilj Programa je podsticanje osoba prijavljenih na evidenciji nezaposlenih na području Zeničko-dobojskog kantona na uključivanje u neformalne programe obrazovanja odraslih u svrhu zapošljavanja.

4. Ciljna grupa

Ciljna grupa su osobe prijavljene na evidenciju nezaposlenih na području Zeničko-dobojskog kantona -najmanje njih 35, bez obzira na stepen obrazovanja i starosnu dob, a koje će nakon prijave na Javni poziv proći teorijsku i praktičnu obuku za ciljana zanimanja, te ostvariti zaposlenje u kompanijama sa područja Zeničko-dobojskog kantona u trajanju od najmanje 4 mjeseca.

Javni poziv će biti objavljen na web stanicama Zeničko-dobojskog kantona, Privredne komore i JU Služba za zapošljavanje Zeničko-dobojskog kantona.

U Programu ne mogu učestvovati osobe koje su posljednje zaposlenje ostvarile u kompanijama kod kojih se izvodi praktična obuka i zapošljavanje polaznika obuke.

5. Sufinansiranje Programa

Programom je predviđeno sufinansiranje zapošljavanja polaznika obuke, osoba prijavljenih na evidenciju nezaposlenih na području Zeničko-dobojskog kantona koje su aplicirale na Javni poziv po ovom Programu i koje su odabrane da prođu teorijsku i praktičnu obuku, te budu zaposlene za ciljana zanimanja.

Sufinansiranje Programa se vrši na slijedeći način:

- a) Sredstva Ministarstva u iznosu od 55.000,00 KM, koriste se za sufinansiranje troškova, kako slijedi:
 - Troškovi zapošljavanja polaznika obuke i to 35.000,00 KM koji se refundiraju kompanijama koje su zaposlile polaznike obuke u trajanju od najmanje 4 mjeseca, za opravdane troškove, kako slijedi: troškovi neto plaće mentora u kompaniji, troškovi radnog materijala (sirovine) koji kompanije utroše na obuku polaznika obuke, troškovi toplog obroka polaznika obuke, troškovi prevoza polaznika obuke.
 - Troškovi administriranja Programa od strane Komore, i to 20.000,00 KM, za opravdane troškove, kako slijedi: troškovi neto plaće Projekt asistent - uposlenika Komore za finansijsko praćenje i izvještavanje u okviru Programa, dio režijskih troškova Komore nastalih u okviru Programa, dio troškova nabavke kancelarijskog materijala za Komoru nastalih u okviru Programa, troškovi putnih naloga uposlenika Komore tokom praćenja implementacije Programa (posjete školama kod kojih se izvodi teorijska obuka i troškovi posjeta kompanijama kod kojih se izvodi praktična obuka i zapošljavanje, dio troškova izrade edukativnog materijala polaznicima obuke, dio troškova izrade promotivnog materijala polaznicima obuke, troškovi izrade sertifikata za polaznike obuke.
- b) Sredstva Zavoda u iznosu od 35.000,00 KM se koriste za sufinansiranje troškova, kako slijedi:
 - Troškovi teorijske i praktične obuke, prema školama i kompanijama, u iznosu od 28.000,00 KM, shodno propozicijama koje utvrdi Zavod.
 - Ostali troškovi u iznosu do 7.000,00 KM, shodno propozicijama koje utvrdi Zavod, za opravdane troškove, kako slijedi: troškovi izrade promotivnog materijala, troškovi objave u medijima, troškovi zakupa sale za sastanke.
- c) Sredstva Komore u iznosu od 9.000,00 KM se koriste za sufinansiranje troškova, kako slijedi:
 - Troškovi administriranja Programa od strane Komore, i to 9.000,00 KM, za opravdane troškove, kako slijedi: troškovi neto plaće Projekt menadžera - uposlenika Komore na administriranju u okviru Programa.

Tabelarni prikaz budžeta:

1.	Troškovi zapošljavanja polaznika obuke, prema kompanijama	35,000.00	n/a
2.	Troškovi administriranja Programa od strane Komore	20,000.00	n/a
*	Ukupna sredstva Ministarstva	n/a	55,000.00
3.	Troškovi teorijske i praktične obuke, prema školama i kompanijama	28,000.00	n/a
4.	Ostali troškovi (izrada promotivnog materijala; objave u medijima; zakup sale za sastanke)	7,000.00	n/a
*	Ukupna sredstva Zavoda	n/a	35,000.00

5.	Troškovi administriranja Programa od strane Komore	9,000.00	n/a
*	Ukupna sredstva Komore	n/a	9,000.00
	UKUPNO:	99,000.00	99,000.00

Sufinansiranja Programa se provodi na slijedeći način:

- a) Plaćanje troškova održavanja teorijske obuke se vrši od strane Komore prema školama čiji nastavnici vrše teorijsku obuku, po okončanju teorijske obuke za polaznike obuke, te dostavljanju finansijskog i narativnog izvještaja škole, uz uvjerenja da su polaznici obuke prošli teorijsku obuku i položili završni teorijski ispit;
- b) Plaćanje troškova održavanja praktične obuke i zapošljavanja se vrši od strane Komore prema kompanijama kod kojih se izvodi praktična obuka i zapošljavanje, po okončanju praktične obuke za polaznike obuke, te dostavljanju finansijskog i narativnog izvještaja kompanija uz uvjerenja da su polaznici obuke zaposleni u kompanijama u periodu od najmanje 4 mjeseca (Obrazac JS3100 i Lista osiguranika kompanije – iz Porezne uprave FBiH), te uvjerenja da su polaznici obuke uspješno prošli praktičnu obuku.
- c) Plaćanje troškova Komore na administriranju i finansijskom praćenju i izvještavanju o implementacije Programa se vrši kontinuirano.

6. Način realizacije Programa

Komora po odobrenju sredstava od strane Ministarstva i Zavoda, objavljuje dva Javna poziva: jedan za osobe prijavljene na evidenciju nezaposlenih na području Zeničko-dobojskog kantona koje su zainteresirane da prođu teorijsku i praktičnu obuku za ciljana zanimanja i ostvare zaposlenje, dok će drugi Javni poziv biti usmjeren prema kompanijama kod kojih će se izvoditi praktična obuka polaznika i kod kojih će polaznici obuke biti zaposleni na period od najmanje 4 mjeseca. Javni pozivi ostaju otvoreni do popunjavanja ukupnog broja odobrenih polaznika obuke, a koji neće biti manji od 35 osoba.

Komora potpisuje sa kompanijama Ugovor o saradnji, a sa polaznicima obuke i kompanijama Sporazum o plaćanju obuke, na osnovu kojih se uređuju međusobna prava i obaveze uključenih strana. Komora potpisuje Ugovor o organiziranju teorijske obuke sa školama čiji nastavnici izvode teorijsku obuku, kojim se uređuju međusobna prava i obaveze uključenih strana.

Komora zajedno sa kompanijom učestvuje u izboru polaznika obuke nakon njihove prijave na Javni poziv. Po okončanoj teorijskoj obuci koja se izvodi u školi, a koju prati Komora, škola provodi završni teorijski ispit i izdaje odgovarajuće Uvjerenje. Tada se vrši plaćanje prema školi. Po okončanoj praktičnoj obuci i zapošljavanju u trajanju od najmanje 4 mjeseca, a što prati Komora, kompanija izdaje odgovarajuće Uvjerenje. Tada se vrši plaćanje prema kompaniji. Nakon što škola i kompanija dostave navedena Uvjerenja Komori, Komora izdaje Certifikat polazniku obuke, da je uspješno prošao program neformalnog obrazovanja odraslih za ciljano zanimanje.

Komora tokom cijelog perioda implementacije Programa ima obavezu da na terenu provjerava način implementacije Programa: posjete kompanijama, dostavljanje šihtarica, itd.

7. Dostavljanje i provjera dokumentacije

Komora se obavezuje da će redovno obavještavati Ministarstvo o implementaciji Programa i to: najmanje jednom kvartalno od dana transferisanja sredstava Ministarstva prema Komori i

drugi puta po završetku projektnih aktivnosti, a najkasnije do 31.12.2023. godine uz završni izvještaj (kompletan narativni i finansijski izvještaj) o implementaciji Programa.

Izvještaj mora minimalno sadržavati sljedeće podatke: nazive kompanija uključenih u Program, imena odabranih polaznika obuke uz uvjerenje da su bili prijavljeni na evidenciju nezaposlenih na području Zeničko-dobojskog kantona, obrazac JS3100.

8. Pravljanje i isplata ugovorenih sredstava

Po potpisivanju Ugovora, Komora će redovno pratiti utrošak sredstava Ministarstva, što će biti i dostavljeno Ministarstvu uz završni izvještaj (kompletan narativni i finansijski izvještaj), najkasnije do 31.12.2023. godine.

9. Kontrola i praćenje izvršenja ugovorenih obaveza

Komora će kontinuirano pratiti realizaciju Programom određenih obaveza.

Ukoliko se praćenjem realizacije ugovorenih obaveza utvrdi da kompanije ili polaznici obuke ne ispunjavaju svoje obaveze utvrđene Ugovorom o saradnji i Sporazumom o plaćanju obuke, Komora će pokrenuti postupak raskidanja Ugovora odnosno Sporazuma.

10. Izvještavanje Ministarstva o provedbi Programa

Komora je obavezna Ministarstvu po okončanju Programa dostaviti završni izvještaj (kompletan narativni i finansijski izvještaj) o realizaciji Programa sa efektima istog, najkasnije do 31.12.2023.godine.

**Ministarstvo za rad, socijalnu
politiku i izbjeglice Zeničko-dobojskog
kantona**

MINISTAR

Zlatko Jelić

**Privredna komora
Zeničko-dobojskog**

PREDSJEDNICA

Diana Babić

Broj:
Datum: __.__. 2023. godine
godine

Broj:
Datum: __.__.2023.